

中國歷代羣
治學大勢
論

10019
(101)

中國歷代羣治羣學大勢論目錄

上編

第一章 總論

葉次

第二章 論進之大勢

七

第三章 論退之大勢

一三

第四章 論現在與將來之進步

一八

第五章 結論

二三

下編

第一章 總論

二五

第二章 胚胎時代

三一

第三章 全盛時代

四二

第四章 儒學統一時代

九三

中國歷代羣治羣學大勢論

一元學舍編輯

第一章 總論

自雪山東下至海北界沙漠中。闢二萬里方平之廣土。橫貫滾滾銀濤數千里之三大江流。〔黃河揚子江〕於其間水泉肥美。風日和煦。百穀百菓。易華易實。自大草木大鳥大獸。茫茫歲月。開闢此光華美樂之世界。以爲最後人類之所享有。一衣一食。皆賴天然之生殖。無有思慮。無有憂患。無有爭競。使終古此人。數不浮於物。數則時。時盛。世歲歲太平。一羣之民。共優游。生息於此。上光下土之內。率此不變。則水火風雨盜賊。刀兵不祥之物。皆絕跡於中國。而歷史上必無治亂興亡盛衰聖君賢相亂臣賊子等名號。一羣之治。化將亘古不進不退可也。然而每朝號稱極治之世。不過開國數十年間耳。過此則水火風雨盜賊刀兵之事接踵而起。其故何哉。蓋因其水土宜人。之故。則謀生易。謀生易。則思慮淺。而用腦不奢。故生生之事繁。而又行。濫爲婚。

嫁一夫多妻之制習慣以多男爲榮無後爲罪之例其孳生之速不知不覺遂塞滿大地而國家又從無殖民之政於是人數大浮於物數漸極漸緊始覺謀生之難因其謀生之難則衣食不得不粗惡居處不得不卑隘衛生無術教養失時體魄既弱則智慧亦昏其桀者且不惜棄道德捐廉恥以從事於奸詐凶險之途而流爲盜賊由是而人心改常風俗墮壞羣治之腐敗將陷於九淵而莫能救矣嗚呼吾國人道之窮乃在過庶寧不悲哉雖然過庶之害非獨中國然也救之道又非必無術也英儒斯賓塞爾曰牛齒日繁過於其食者所以使其民巧力才智不容不進之因苟一家一國之中食指徒繁而智力如故者則其去無幾類不遠故西國救庶之術在開民智民智矣過庶之壓力愈增則其稱能準食相爲生養之道愈進故文明開化之國未聞以過庶爲患者此也吾中國不庶則已庶則必亂亂則必屠之戮之草薶禽獮而無所痛憫必殺至人口大減生計漸寬而後乃不亂亂則復屠之戮之故中國救庶之術祇有殺人之一策當夫大殺之後以一人食數人之產室家充裕則

人人但思殖田園。長子孫。勉爲善人。長者則謂之中國。羣治之進。當夫久未殺人。之後。以數人食一人之產。物價騰貴。則人人但知行侵奪。務貪詐。趨爲苟且之行。則謂之中國。羣治之退。二千餘年之現狀如此而已。其於西哲所言進種留良之術。善羣體合之圖。能使其羣一進而不復退者。直無蒟藁之發露。然則以全球進化公例斷之。則中國之羣治。直謂之有退步而無進步。又復奚辭乎。悲夫。

或曰。吾讀中國歷史。不有所謂某年某代某姓龍興。而定律令。制禮作樂。彬彬稱盛時者邪。某時某日某朝中興。而尊儒士。重農養老。熙熙號樂歲者邪。杞憂子曰。嘻。曰龍興。曰中興。不過中國專制政體之進化耳。不過其一人一家之利益耳。其於羣治之進退。無有也。龍興矣。試問其於吾羣之社會改良否乎。未也。中興矣。試問其於吾羣之文化開通否乎。未也。是故舊史氏所書曰。熙朝曰盛。世曰太平。曰國家無事。邊圉不驚者。祇可謂之一朝之治。而不可謂之一羣之治。夫不觀於累朝鼎革之秋乎。其初以一匹夫而崛起。曰。故幽大言號召天下。讀其章檄。非不習吾義。憤時。生。處。

以復正統爲名。以逐異種爲號。羅列當時暴君汚吏之殘苛痛惜。同胞之顛連無告。及其一登九五黃幄。左纛赫赫稱天子矣。方且任佞臣。飭經術。重修前代之舊法。皇皇然慮其軍制政體之不圓滿。故予一人得起而奪之。他人之欲奪誰不如我。使非益密其文網。益工其壓制。則一幅錦繡之山河。恐不再世。而握符戴冕以臨者。又復他姓。此其心術累代如一轍。故一霸者起。不過取前朝例行之典章。無謂之文禮粉飾之。揚厲之。史臣乃上頌曰。日月重光。天地再清也。嗚呼。而孰知一羣之治化。已陷於專制之網羅。永永黑暗。不知幾何年代。革命一次。則羣治之束縛增高一級。如此則社會上何由改進。其風俗擴張其道。德雖累累。易姓時時。改步而於人羣所得之私益。不過人數減少。謀生較易之一事而已。而此一事。又非可以言羣治也。故悠悠二千載。莽莽廿四朝。統中國之狀態觀之。其於民羣之理。實未嘗眞治。漢之文景。唐之太宗。宋之仁宗。所號稱至治者。以其承大亂之後。其梟雄者多半死於中原之虎爭龍戰。其幸而未死者。則亦封侯畫像。沈沈甲第。酣歌恆舞。富貴已極。無復他圖。

故天下有懦民而無傲民有順民而無橫民故似治也而實則風俗劣惡羣智冥昧擾亂之種子何嘗一日絕哉

嗚呼歷朝君主之治吾羣不足言矣蓋亦觀吾羣之自治何如乎夫一羣之國於世界其賢智居多數者治其愚不肖居多數者亂其賢智多富貴愚不肖多貧賤者治其愚不肖多富貴賢智多貧賤者亂此公式也然試起而視吾國其賢智者果居多數其愚不肖者果居少數乎其富貴者豈盡賢智其貧賤者豈盡愚不肖乎出門一望侍從如雲呵殿如雷非所謂極富貴者邪囚首垢面敝衣藍縷徘徊道側非所謂極貧賤者邪而試驗其智愚賢不肖之程度何若雖聚泰西之名學家理學家取其以大一一剖視之吾知其亦無從辨別也故易曰隸爲宰相則居然宰相矣易宰相爲隸則居然隸矣浸假易木偶爲宰相而木偶何嘗非宰相易宰相爲木偶而宰相何嘗不木偶是故富貴與貧賤之數不必與智愚賢不肖之數作正比例富貴之爲物原無一定之得失也然而專制國之富貴得之者往往愚不肖失之者往往

賢。智。何。也。蓋。專。制。國。之。霸。者。其。所。利。在。用。愚。不。肖。其。所。不。利。在。用。賢。智。夫。人。之。欲。富。貴。而。惡。貧。賤。其。普。通。性。也。見。其。愚。不。肖。之。忽。而。富。矣。貴。矣。曰。某。師。之。他。人。見。師。愚。不。肖。者。之。亦。富。亦。貴。也。曰。某。慕。之。愛。之。某。又。欲。師。之。雖。然。富。貴。之。數。有。限。而。人。之。學。爲。愚。不。肖。者。無。窮。同。是。奴。顏。婢。膝。以。爭。憐。取。媚。何。其。又。一。得。一。失。也。於。是。反。覆。思。其。故。而。不。得。則。歸。之。於。天。而。時。日。之。說。起。歸。之。於。地。而。風。水。之。說。起。歸。之。於。人。而。命。相。之。說。起。歸。之。於。鬼。神。而。一。切。陰。陽。占。夢。扶。乩。之。說。起。久。而。久。焉。舉。一。國。之。人。羣。從。事。於。求。籤。拆。字。看。相。算。命。佞。神。媚。佛。之。一。途。憧。憧。焉。無。少。暇。一。似。人。道。舍。是。別。無。義。務。也。者。嗚。呼。羣。治。至。此。豈。復。有。一。綫。之。光。明。尙。可。稱。人。間。之。世。界。邪。故。中。國。之。社。會。實。純。然。一。愚。不。肖。所。結。成。之。社。會。可。斷。言。也。其。間。豈。無。一。二。賢。智。潔。身。自。愛。遙。然。遠。引。不。爲。世。污。者。乎。而。一。羣。之。愚。不。肖。又。起。而。攻。之。曰。違。俗。曰。異。端。曰。大。逆。不。道。攻。之。不。已。至。欲。殺。之。殺。之。非。刀。非。兵。或。殺。之。以。言。語。或。殺。之。以。文。字。斯。時。之。賢。智。其。一。派。則。引。劍。斷。脰。亡。軀。不。顧。其。一。派。則。委。心。任。運。憂。心。煩。慮。亡。軀。斷。脰。實。此。若。朝。教。變。其。性。質。而。

與愚不肖化爲同等之地位而已。夫是以成今日中國羣治之現象。然則中國之羣治爲進化邪？爲退化邪？則應之曰：亦進亦退，不進不退，非進非退而已。夫以地球全體觀之，則但見全球皆進化，而中國一支之獨退化也。以中國一支之本體觀之，又見其一支之內各羣分立，優者必戰勝於劣者，今者必稍良於古者，而中國之一支又未嘗不進化也。但其或大退而小進焉，或進一而退十焉，以故自其祖宗奠居於黃河兩岸，楊子江之濱，閱世五千年而家族、上地方、團體、上國家、上社會上之習慣與夫風俗、學問、道德、法律、宗教、禮文、材性、種種之流傳，仍純然一如其五千年之舊。其間豈無數十年間民物清夷，風化茂美，羣俗蒸蒸，驟進者而皆恃夫一二聖君賢相善人君子心力之爲此一二人者存，則羣治進一級而離其本位。此一二人者亡，則羣治退一級而仍歸其本位。故雖時時進退，亦祇成一治一亂之世界。而所謂一治不復亂者，終末由夢見之也。

第五章

論進之大勢

一五帝時代。黃帝者吾祖國文明開闢之第一偉人也。以鉅刀闢斧開闢宇宙。製造此光明之世界。交通四方部落。建立一統帝國。而後吾漢族始發達開化。其文明之潮流遂自黃河流域而下蔓延於楊子江以南。縱橫四出。凡舊有之異種無不爲其文明所征服。洋洋哉。吾漢族之光榮休休哉。吾中原之文物其學術上則文字數學歷法卜筮禮儀音樂醫藥典籍皆發生於此時代也。其政治上則官制法制學制選舉兵制幣制稅制無不起原於此時代也。嗚呼。吾思當彼其先猶是草昧榛榛革衣石斧之世耳。而忽擘頭開一彬彬制度完善之文治。豈偶然哉。蓋其時其國君則與民共治。遵禪讓之儀。無專制世襲之弊。其國民則耕食鑿飲行地方之制。有活潑自營之風。而又一原因於地理之關係。江河流通故文明易發達一原因於苗漢之盛衰。有種族之競爭故有進步故其治化遂不得不進。是以五帝時代者實爲中國羣治進化之第一期。凡吾人今日之一衣一食一草一木皆受其賜。吾一般之國民所當膜拜贊歎而不能忘也。一成周時代。吾國羣治之進化以黃帝爲萌芽之始祖。以成康爲鵬脹之中堅。蓋

羣治者。以改造而日進者也。經一度改造。則增進一級。成周承夏商舊業。專制政治。腐敗之。後武王崛起。以英武之資。行革命之舉。知非全破壞舊社會。必不能改造新社會。故不惜犧牲十萬之軍人。以掃盪之。傾倒百斛之義血。以揮灑之。祥陽一現。曠豁。寥。消。而一種完美精神之新文明。乃如花如潮而競湧。況以周公之材。藝爲之輔佐。制禮作樂。改井田之法。減人民貧富之等差。於是而羣治之進化。一飛衝天矣。嗚呼。一般國民之腦。一經武王革命軍之洗滌。再經周公制作材之陶鑄。去鏽發瑩。都都郁郁。以釀成康數十年之郅治。爲吾國上古世紀發一大異彩。其後雖以厲王之無道。而其國民之思想能力。竟能行十八世紀法蘭西大革命之事。逐王於彘。而組織一光華美麗之共和政體。行之十四年。海內復大治。嗚呼。可不謂盛哉。是爲中國羣治進化之第二期。

一戰國時代。戰國時代者。一腥風血雨之時代也。以數多之腥風血雨。忽產出一毒蟲。熱烈之新文明。若學術。若技藝。各樹一幟。十色五光。波譎雲詭。自由之空氣。盪

遍於全社會。人民之言論智識。一時勃興。加以士之懷奇抱異者。無不用。雖一材一藝。皆得出而貢獻於我國民。甲國不用則之乙。乙國不用則之丙。今日白衣明日將相矣。朝爲屠牧。暮作公卿矣。是以門閥之弊。風能一掃淨盡者。當以此時代爲極點。人民之思想能活動自由者。亦以此時代爲極點。戰國時代者。其殺戮之慘。爲我歷史上空前絕後。未有之奇劇。其發達之速。又爲我國歷史上空前絕後。未有之進步者也。嗚呼。苟從表面上觀之。則戰國者。豈非一羣雄虎爭龍。戰風雲。黑暗之歷史哉。而孰知其所孕育文明之種子。已撒佈全國。乃能開出萬千紅紫之國花。現空間時。間所希見之精彩。此西哲所謂戰爭爲文明之母者。也是爲中國羣治進化之第三期。

一東漢時代。士節之盛。民氣之壯。三代以降。未有及於東京者矣。東京時代者。民黨國會萌芽之發露。而黨錮者。乃其國會民黨之一小影也。夫當桓靈之昏。暴閹寺之專權。政亂國危。闇無天日。而二三匹夫抗憤建議。激揚國民。噴其熱血。痛詆公卿。

裁量執政義形於色無所退避其視歐美至激烈之革命黨何多讓焉雖其束縛於前代相傳小儒之謬說其所排擊僅君主之左右而止不能直擢倒其專制之民賊一掙而去之其於歐美民黨之運動猶未達一間然其殺身成仁舍命不顧雖風雨如晦而雞鳴不已黨禍之烈垂二十餘年殺掠之慘極六七百輩前仆後繼至死不渝其視歐美之爭民權爭自由擲無量頭顱流無量膏血所謂不自由毋寧死者又何多讓焉嗚呼漢末黨錮一役實可爲吾國歷史上一大紀念其有大功於其時之吾羣大影響於今日之吾羣能使權強之臣息其鬪盜之謀豪俊之夫屈於鄙生之議後漢書儒林傳語爲吾社會添無數之價值以促其進化雖未嘗不由光武明章二三賢君講求經術尊崇道義之功有以致此然不可謂非吾羣進步發達之現象乃忽放此血烈之光也是爲中國羣治進化之第四期

一宋世時代 吾國民之有民族思想者以宋世爲盛民族思想者何蓋以同一民族而建一獨立之國家雖粉身碎骨而不肯臣僕於異種國家之下者也余觀宋靖

康之難。志士投袂起而勤王。義聲所動。天下響應。兩河三鎮之義民。怨敵之深。死守勿去。中原民族。氣燄之盛。壯色山河。使金人聞風動色。相戒不敢輕犯。假令終宋之世。能久任中國民族主義最深之岳武穆宗。忠簡率我中原民族。鼓其義勇。北向殺敵。吾知三鎮可復。二聖可歸。何至稱臣稱侄於異族。而蒙莫大之奇恥大辱乎。雖然。異族之能亡宋者。僅能亡宋之朝廷耳。而其時我中國之民族。固未易亡也。故雖以千萬逐水草。嗜殺至慘酷之胡族。萬刀萬馬以蹂躪我中州。以屠戮我士女。而我民寧擲其生命抵死相拒。雖至大勢已去。而仗節殉義。視死如歸。宋社雖墟。而忠節相望。匡山之濤。緬越之雪。猶足爲吾民族生色。以興起其獨立之精神。使羣治上有活潑進取之氣象。而中國之魂。猶屬未死。吾祝其昭蘇飛揚之日不遠矣。非其時。羣治之向上。而尙名節重廉恥。能收如斯之效果乎。是爲中國羣治進化之第五期。

一有明時代。有明一代。士節民氣之盛。比於東京。勤王死節之多。比於南宋。舉泰西民黨民族兩大觀念。皆發揚活現。中國羣治進化。可謂達其極點矣。繼而明之亡。

也。忽焉其故何也。蓋明之亡也。政在權閹。人君復懷諫自用。稅權太監擾其下。主兵太監掣其外。司禮太監神叢阿柄倒其上。及其末葉。大兵大役。加派練餉。苛斂於民。米賊一呼。明社遂屋矣。雖然。方其未屋。東林二三君子。憂時講學。敦節立名。大呼同胞。不忘宗國。故朝綱紊於上。而風俗厚於下。及其亡也。勒王之師起於南都。遠振於湖湘江浙閩粵。殉國死難之臣。下至販夫婦孺。不可勝數。而有明一代之歷史。假其義烈。以爲光輝。歲寒松柏。疾風勁草。爲吾中國羣治最後之特色。迄今其義節壯彩猶深印於國民之腦中。嗚呼。偉矣。是爲羣治進化之第六期。

第三章 論退之大勢

一有夏時代。專制政體者。中國羣治學頭之一大障物也。中國四千年之文明史。開羣於黃帝至夏代而一停滯。則專制政體之成立爲之也。蓋夏自大禹協和萬邦。戰勝苗族。集權於中央。以成一統之業。創君主世襲制度。而專制政體之基礎。於以鞏固矣。故統觀夏代四百餘年之天下。社會之狀態。停頓不進。且不獨不進爾已。夏

退化焉。以太康之盤遊而倒退一次矣。以羿促之弑亂而倒退一次矣。以桀之暴虐無道而倒退遂達於極端不可救藥矣。嗚呼！自大禹以前變洪水猛獸之世界爲男女飲食之世界。何其光榮自大禹以後變人羣花錦之世界爲動物頑頓之世界。何其黑暗。蓋我漢族至華美至赫耀至發達之羣治抹煞於余一人。朕天子之世系譜也。久矣。是爲中國羣治退化之第一期。

一暴秦時代。專制政體之出現於我國也。起點於有夏全盛於暴秦。暴秦時代者。一純然的專制政體之君主政治時代也。焚書坑儒以愚黔首。偶語者棄市。誹謗者族滅。專制之饑熾如燄火矣。當斯之時萬民重足側目。哭聲相聞。愁雲慘霧遍結於全社會。蓋白羸秦以降其積威流毒猶罣天下於冰霜水火之中者二千有餘載。何其酷也。是故暴秦一代之歷史實爲吾國史一最大之污點。始皇者中國獨一無二之獨夫民賊。荀卿李斯者民賊獨夫獨一無二之家奴走狗也。以其鄉愿大盜之手段塗錮天下之人心束縛兆民之手足以養成其奴隸根性務使其全社會之內鬼

氣陰。陰。女性。纖纖。而中國之羣治。遂陷於萬重之黑暗地獄。永無超脫之日矣。悲夫。是爲中國羣治退化之第二期。

一魏晉時代。中國風俗之汚。羣治之腐敗。至魏晉時代而極矣。西人謂十二世紀爲歐洲中古黑暗時代。余則謂魏晉百數十年之間。爲亞洲中國中古黑暗時代。

可也。魏自魏武崇蹶弛之士。魏文慕通達之行。以釀成毀方敗常之俗。其時人士皆賤守節而趨勢利。天下無復清議。東京之醇風。以孟德父子而掃地以盡矣。流至正始二三清談之士。棄經典而尚老莊。賤名檢而崇虛薄。以至羌戎互僭。君臣屢易。五胡雲擾。而晉遂亡。是爲吾族見亡於外族。外族入主於中夏之起點。自是以降。劉淵石勒率其腥膻之俗。割據我中原神明之域。而晉之臣子。方紆青拖紫。相率立於其朝。觀其故主青衣行酒。而無所動。悲夫。悲夫。蓋時至晉世。而中國之天下。乃眞亡矣。是爲中國羣治退化之第三期。

一五代時代。五代時代者。中國第二之黑暗時代也。中原戰爭如潮。如焰。以爭帝。